

新野縣志卷之一

新野縣知縣常山徐金位纂修

輿地志

先王體國經野畫土分疆課職守以勵官常典至鉅也新野界襄宛之間唐虞三代無所著名自漢始置爲縣魏晉以來或升而爲郡或附於他邑紛更屢矣至元復置縣屬南陽郡邑雖蕞爾而觀休咎於天象察形勢於山川辨物產之美惡紀風俗之醇漓皆守土者所有事也作輿地志

新野縣志

卷之一

輿地

一

沿革

新野在禹貢豫州之域荊州之交夏書荆河惟豫州注云北距河西南至荆山此邑及鄧淅等處是也夏商周新野爲鄧國地夏仲康子封於鄧商武丁封湯之裔於鄧春秋載桓公七年鄧侯吾離朝於魯春秋魯莊公十六年楚子滅鄧地遂屬楚後楚以藍田之敗更沒於晉威列王二十二年韓魏趙三分晉地又析屬韓安王十三年秦襄王伐韓取穰封魏冉爲穰侯又取鄧封公子悝爲鄧侯穰鄧遂分爲二其

域今皆屬鄧州

秦始皇并天下置南陽郡合穰鄧爲穰縣新地隸焉  
漢始置新野縣屬南陽郡亦統於荊州部東漢因之  
魏曹操拔新縣劉琮舉荊州降地遂屬魏  
晉於新野置義陽郡領穰鄧等十二縣亦統於荊州部  
尋復改爲新野郡徒治棘陽在今新唐二縣之界  
宋以棘陽縣屬河南郡仍徙新野郡治於故縣地改隸  
雍州部南齊因之永泰沒於魏魏置荊州部於穰縣  
郡隸焉

新野縣志

卷之一

輿地

二

西魏改稱黃岡郡尋復舊又省爲鎮入棘陽而改棘陽  
爲百寧縣尋復稱棘陽  
後周省棘陽縣入新野鎮

隋開皇三年仍置新野縣屬鄧州是年改魏於穰縣所  
置荊州部爲鄧州隸豫州部初南陽郡治宛大業三  
年改宛爲南陽縣鄧州爲南陽郡新野穰縣南陽課  
陽順陽冠軍菊潭新城八縣并屬焉

唐太宗時新野省爲鎮入穰縣隨鄧州南陽郡隸山  
道先是高祖改南陽郡爲鄧州至是復爲鄧州南陽

郡明皇時又隸山南東道

歷五代至北宋改郡爲軍尋復爲州或統於京西南路  
紛更不一而新野之入穰縣俱因之

南宋屬於金亦隨穰縣隸河南路

元世祖復置新野縣屬鄧州統於河南江北道順帝至  
元八年陞金所置中州爲南陽府卽宛地新野隨鄧  
州并隸焉明因之隸河南布政司成化十二年兼統  
於鄧陽撫治

國朝因之順治十八年鄧撫裁康熙十五年復設十九

新野縣志

卷之一

輿地

三

年又裁

疆域

按縣境東西廣七十里南北袤九十五里至省城七百  
二十里至

京師二千二百里

東至唐縣界四十五里至唐縣治一百四十里

西至鄧州界四十五里至州治七十里

北至本府南陽縣界四十五里至南陽縣治一百  
十里

南至湖廣襄陽縣界四十五里至

十里

東北至南陽縣界五十里至南陽縣治一百五十里

西北至鄧州界三十五里至州治八十里

東南至湖廣棗陽縣界四十五里至棗陽縣治一百

三十里

西南至湖廣襄陽縣界四十五里至襄陽縣治一百

三十里

舊志載縣境西南接光化縣界西北接鎮平縣界東北接泌陽縣界無可考證附此以志

疑闕

新野縣志

卷之一

輿地

四

星野

按魏太史令陳卓州郡躔次翼軫楚荊州南陽入翼六

度柳七星張周二輔河南入七星三度一統志南陽

張分野鄧州志鄧為三河之域星曰鶉火宮曰獅子

辰曰午分曰周值柳星張之宿初柳七度終張十四

度合諸書考之新野界於豫南荆北密邇宛鄧其分

星固槩可識已

山川

蔓荆山縣北四十里白水之西積沙高數丈峯峦特起

狀如堆雪多產蔓荊故名

小蔓荊山縣西三里許白河西岸積沙高聳亦產蔓荊  
白河卽涓水源出嵩縣雙鷄嶺經宛至縣北四十里岡  
頭鎮分而爲二其一東經沙堰鎮南折至縣東北五  
里許復折而西始與湍水合係白河故道湮塞日久  
因名曰舊白河其一自岡頭西南與潦水合潦亦名  
大澗河經樊家集楊家集與湍水合舟楫往來名曰  
新白河三水至城西北合流以下統名曰白河南入  
漢江

新野縣志

卷之一

山川

五

潦河縣西北四十里舊志謂源出南陽西南自白河不  
由故道遂與潦爲一

湍河縣西北五里源出盧氏熊耳山經內鄉繞鄧州城  
北名七里河折而東南與潦河會至縣西北入白河  
刁河縣西南二十八里唐貞元十三年吳少誠所開源  
出內鄉西北蕭山逾鄧至縣入白河

溧河縣東十五里源出南陽東南溧河店係白河支流  
繞邑東南至魏家灣復入白河

唐河縣東四十里卽泌水也由唐縣繞邑境龍潭蒼

鎮南與白河會

澗河縣東三十里源出南陽周仁陂經縣東任家橋南  
流入唐河

小澗河縣西北十三里源自鄧州東南至縣境會潦入  
白河

龍港縣南十八里昔有龍潛於中故名

芰湖縣南十里湖水漣漪多產芰荷故名

黃郵水城南四十五里俗名黃渠河古黃郵聚也漢吳  
漢與秦豐戰黃郵水上卽此

新野縣志

卷之一

山川

六


赭水未詳

明邑令李登論曰余嘗遐眺城北城西兩蔓荆積沙  
而成不當山之一阜以此地無山故首稱焉然土人  
爲余言山爲水所噬今河中央則曩山麓也載稽水  
道按圖可知自上來者凡七中滙而爲三末滙而爲  
一其來之道甚多而去道甚寡是以邑歲有水患水  
至則泛濫無涯水去則傾圮如截大抵瀆河兩岸此  
消則彼長此長則彼消長者未必可田消者卽已納  
無地之稅矣往歲通守郭來署縣事嚴覈無糧之地

得四十餘頃畝徵粟斗五升然已重矣而消者未及  
 豁牒訴紛然余爲請於上得允民始稱便然河濱故  
 消長不常不能必後之不變要在疏河渠以通水利  
 焉耳

八水會一之圖





新野縣志

卷之一

輿地

八

八河會一圖解

右繪第一道曰唐河經唐人新頭尾皆屬唐轄惟中一  
 截計長三十里屬新在城東四十五里至襄陽朱家  
 集入涇水

右繪第二道曰小澧河在城東北四十二里收南陽兌  
 方野潦並新邑良方野潦中跨任家大橋曲灣一十  
 二里入唐河會涇

右繪第三道係溧河支分涇水由南陽馬渡堰下至葉  
 家橋入新自北繞東復南計九十六里至溧河口村



入涓

右繪第四道係沙河上爲漲渠下爲沙河城東北三十  
五里河尾離城十五里收南陽野潦發源自黃姑橋  
之上交界入新曲灣二十九里入溧達涓

右繪第五道曰老白河卽涓水故道自岡頭東轉南遶  
沙堰龍背鐵牛嶺西與湍會龍背店上下有堰口二  
處灌城東南北一帶田今涓水由岡頭入於大澗鮑  
家灣西北河口積沙高丈許寬六十三丈計長三里  
餘河頭離城四十里河尾離城三里河間沃土民多

新野縣志

卷之一

河渠

九

開墾報糧已久現在乾涸

右繪第六道曰大澗河亦曰潦河源出南陽西南流至  
城西北五里許入湍自涓水從崗頭入大澗河遂改  
名曰新白河舟楫皆由此行至城西總名曰涓水南  
流二百餘里入漢江

右繪第七道係七里河卽湍水自盧氏熊耳山發源經  
內鄉 州入新境曲灣五十二里至兩河口會涓  
水

自內鄉東北蕭山發源

三十七里至 店

列秀八水環流陸海舟車秦楚襟帶扼南國之咽  
爲中州之屏障皇馳伯驟英雄用武之區召澤杜  
陂禹奠上中之壤一望平原雖無天險四塞之固六  
衝孔道實據地中要害之防

風俗

史記漢書南陽本夏禹之國人尙忠朴猶有先王遺風  
自秦滅韓上氣勇好商賈漁獵及召信臣爲太守勸

新野縣志

卷之一

形勝 風俗

十

民農桑去末歸本民以殷富信哉君子之德風矣一  
統志鄧州之俗古稱醇厚州志新野俗崇詩禮務勤  
耕稼婚姻喪葬義在相周商賈技藝事皆少習縣舊  
志邑俗歲時儀節大率與旁邑相通

明邑令李登論曰自余問俗於茲邑人爲余言國初風  
俗信如舊志云云邇來則不然其間學士大夫喪祭  
用朱文公儀節婚且備六儀非不近古可漸磨禮教  
然徃徃童而冠同姓者常爲婚士居親喪時時易服  
行慶賀謁官長以爲敬阡陌之民不爲終 計稍豐

卽家置酒相歡競一歉便窘迫或妻

間更習淫奢崇勢利蔑少長之節今

矣果無良有司之表正耶抑學士大夫未

之耶欲挽弊習而復之古道均之不容辭

鄉村

舊志祇載其人烟衆多及地名相傳已久者

星村落不能悉載今仍之

南路

柳林三里白水之澣帆檣上下桃柳千株邑之

新野縣志

卷之一

輿地

十一

也

白河舖 十二里

張家小店 二十八里

張家樓 四十里

桃園村 二十里

五龍廟 二十五里

給孤寺 三十二里

溧河口 三十里

北路

五里古名昌樂鄉

龍店 十里

東趙庄 十八里

潦河 二十里

西趙庄 二十二里

太山廟 二十五里

後庄村 二十五里

安樂寨 二十七里

凰鳴鄉 二十八里

新野縣志

卷之一

輿地

十二

駱家庄 二十八里

堰窪村 三十里

石羊崗 三十里

夏官營 四十里

車兒灣 四十里

鮑家灣 四十里

寺 十五里

野白崗 三十里有

廻龍寺 四十里

小侶渠 四十里

關橋村 四十五里

古城寺 五十里

西路

菓園村 六里深溪密樹景物頗幽

桃湖庄 十五里

瓦亭陂 十二里

新野縣志

卷之一

鄉村

十三

宅子村 十里

宋庄村 十五里

高橋黑龍廟 二十里

港口村 二十四里

雙廟 三十里

上庄寺 三十里

客貨營 三十七里

江石河 五十里

集鎮

南關集

北關集

東關集

西關集

新店鎮集

城南三十里

沙堰鎮集

城北三十里

岡頭鎮集

城北四十里

樊家集

城西北二十五里

陳家集

城南三十里

王家集

城西北二十四里

龍潭店集

城東三十里

北正店集

城西北四十五里

楊家集

城西北二十五里

沙臺店

城南十八里

槐樹店

城北二里

蒼苔

城東四十里

田九店

城東北七十里  
以上載舊志

橋樓寺

城東北三十里

新野縣志

卷之一

鄉村

十四

黃龍集

城北四十里

溧河鎮

城東二十里

北河鎮

城西北二十里

太石橋

城西南四十里

物產

穀類

黍 梅 稻 麥 豆 芝蔴

蔬類

茄 瓜 芹 芥 莧 瓠 芋 甘露  
馬齒 波 菱

葉類

棗 柿 桃 梅 杏 李 梨 榴 葡萄  
藕

花類

蓮 菊 萱 紫荊 紫薇 梔子 薔薇  
千葉 桃 千葉 榴

木類

栢 槐 榆 椿 桑 桐 楸 柘

藥類

何首烏 荊 枸杞 杏仁 疾藜 車前 酸棗仁

禽類

鷄 鵝 鴨 雉 鴿 鴛鴦 鶻 鶻

獸類

馬 牛 騾 驢 豕 犬 羊 兔

鱗類

鯉 鯽 鱧 鮎

介類

蟹

貨類

布 絲 綿 油 靛

新野縣志

卷之一

物產

十五